

Broj: U.D.01.04.-12203/21
Sarajevo, 25.08.2021. godine

Na osnovu člana 45. Statuta, člana 70. Zakona o javnim nabavkama ("Službeni glasnik BiH" broj: 39/14), i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te preporuke Komisije za nabavku usluga osiguranja od autoodgovornosti i kasko osiguranja, broj: 07.4-11-9-8723-17/21, od 19.08.2021. godine, Uprava Društva na 84.elektronskoj sjednici održanoj dana 25.08.2021. godine, d o n o s i:

ODLUKU O IZBORU NAJPOVOLJNIJEG PONUĐAČA

I

Ovom Odlukom vrši se izbor najpovoljnijeg ponuđača „ **ADRIATIC OSIGURANJE** “ d.d. Sarajevo u postupku nabavke usluga osiguranja od autoodgovornosti i kasko osiguranja i dodjeljuje se **okvirni sporazum na period od 2 (dvije) godine**, sa ukupnom vrijednošću sporazuma u iznosu do **40.000,00 KM bez PDV-a**.

II

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

III


Izabrani ponuđač nije dužan dostaviti dokaze predviđene članom 45. Zakona o javnim nabavkama obzirom da je već dostavio tražene dokumente.

OBRAZLOŽENJE

Na osnovu Odluke o pokretanju postupka javne nabavke usluga osiguranja od autoodgovornosti i kasko osiguranja, broj: U.D. 01.04-8907/21, od 11.06.2021. godine i Rješenja Generalnog direktora za provođenje postupka nabavke usluga osiguranja od autoodgovornosti i kasko osiguranja, (u daljem tekstu: **Komisija**), broj: 01-11-9-8723-2/21, od 15.06. 2021. godine, proveden je Otvoreni postupak javne nabavke usluga osiguranja od autoodgovornosti i kasko osiguranja i to objavljivanjem Obavještenja o nabavci na Portalu javnih nabavki, broj: **238-1-2-383-3-108/21, od 02.07.2021. godine**.

Javno otvaranje ponuda u postupku predmetne nabavke održano je dana 29.07.2021. godine sa početkom u 10:00 sati i 15 minuta, u prostorijama Generalne Direkcije „ JP BH POŠTA “ d.o.o. Sarajevo, o čemu je sačinjen zapisnik o otvaranju ponuda, broj: 07.4-11-9-8723-13/21, od 29.07.2021. godine koji predstavlja sastavni dio ovog Zapisnika-izvještaja. Zapisnik sa otvaranja ponuda je poslan ponuđačima putem e-maila.

Na Protokol ugovornog organa, do roka određenog za prijem ponuda, pristigle su ponude slijedećih ponuđača, i to:



1. „ **GRAWE OSIGURANJE** “ d.d. Sarajevo
2. „ **SARAJEVO- OSIGURANJE** “ d.d. Sarajevo
3. „ **CENTRAL OSIGURANJE** “ d.d. Sarajevo
4. „ **D.D. ZA OSIGURANJE CAMELIJA** “ Bihać
5. „ **ADRIATIC OSIGURANJE**“ d.d. Sarajevo

Komisija je prilikom otvaranja ponuda pročitala podatke o nazivu i sjedištu ponuđača, ukupnu cijenu ponude i eventualni popust, ne praveći pri tome uvid u sadržaj i validnost dostavljene dokumentacije. Nakon izvršenog otvaranja ponude Komisija je pristupila analizi dokumentacije priložene uz ponudu u smislu provjere njene validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanja ponuda, a u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, te je tom prilikom konstatovala sljedeće:

1. Ponuda ponuđača „ **GRAWE OSIGURANJE** “ d.d. Sarajevo, sa ukupnom vrijednosti ponude, bez uračunatog PDV-a u iznosu od **39.008,90 KM** ne zadovoljava uslove propisane tenderskom dokumentacijom.

Naime, u Aneksu 3. OBRAZAC ZA CIJENU PONUDE (PREMIJU), u tabeli A (teretna motorna vozila-osiguranje od AO-23. stranica ponude) za vozila pod rednim brojem 2. čija je nosivost 0,4 tone, ponuđač je ponudio premiju 513 KM što je suprotno tački 8.4.4. TD., kojom je propisano da premije koje ponudi ponuđač u tabeli A, moraju biti u skladu sa iznosom premije za premijski stepen P6.- PREMIJSKE SKUPINE 2-TERETNA VOZILA, iz Odluke o načinu utvrđivanja tarife premije i cjenovnika za osiguranje vlasnika vozila od odgovornosti za štetu prouzrokovanu trećim osobama, donesenim od strane Stručnog savjeta agencije za nadzor osiguranja u FBiH (broj: 021-2828-2/20, od 09.10.2020. godine). Naime, citiranom Odlukom za vozila nosivosti do 0,5 tona premija AO osiguranje je propisana u iznosu od 487,00 KM.

Obzirom na navedeno, ponuda „ **GRAWE OSIGURANJE** “ d.d. Sarajevo sa ukupnom vrijednosti ponude, bez uračunatog PDV-a u iznosu od **39.008,90 KM** ne zadovoljava uslove propisane tenderskom dokumentacijom, te je shodno tome ocjenjena kao formalno – pravno, ekonomski i tehnički **neprihvatljiva** za ugovorni organ i neće biti predmet vrednovanja.

2. Ponuda ponuđača „ **SARAJEVO- OSIGURANJE** “ d.d. Sarajevo, sa ukupnom vrijednosti ponude, bez uračunatog PDV-a u iznosu od **38.978,80 KM** ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **prihvatljiva** za ugovorni organ i ista će biti predmet vrednovanja.
3. Ponuda ponuđača „ **CENTRAL OSIGURANJE** “ d.d. Sarajevo, sa ukupnom vrijednosti ponude, bez uračunatog PDV-a u iznosu od **39.788,62 KM**, sadrži grešku računске prirode, te mu je na osnovu člana 17. Uputstva za pripremu modela TD dostavljen obrazac za cijenu ponude sa ispravno popunjenim cijenama i rok za dostavu obrasca sa ispravljenom računskom greškom što je ponuđač uradio na način i pod uslovima zahtjeva za ispravku greške računске prirode, a sve u skladu sa zakonskim i podzakonskim propisima.

Nakon ispravljene računске greške, Komisija konstatuje da ponuda ponuđača „ **CENTRAL OSIGURANJE** “ d.d. Sarajevo sa ukupnom vrijednosti ponude, bez uračunatog PDV-a u iznosu od **39.788,58 KM** ispunjava sve pravne, ekonomske i tehničke uslove ugovornog

